



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აფხაიძე ემანუილ ელისეს ძე

აფხაიძე ემანუილ ელისეს ძე [17 (29). VIII. 1899, ქუთაისი, – 8. XI. 1970, თბილისი], მსახიობი. საქართველო. სახ. არტისტი (1946). ქუთ. რეალური სასწავლებლის დამთავრების შემდეგ (1917) მუშაობდა სუფლიორად ქუთ. თეატრში, შემდეგ მსახიობად ბათ. (1921–23), ქუთ. (1923–24) და თბილ. რუსთაველის სახ. (1924–იდან) თეატრებში. 1926 დაამთავრა ა. ფალავას დრამ. სტუდია. ა. კომედიური ჟანრის მსახიობი იყო. შექმნა მკვეთრი სცენური ფორმითა და არტისტიზმით აღბეჭდილი მრავალფეროვანი სახეები: საქმისაი (შ. დადიანის „თეთნულდი“), სოლომან მორბელაძე (დ. კლდიაშვილის „შემოდგომის აზნაურები“), ნესტორი (შ. დადიანის „ნაპერწკლიდან“), გონჯა (ს. შანშიაშვილის „არსენა“), ბესო (ა. სუმბათაშვილ-იუჟინის „ლალატი“), მირზა (ი. მოსაშვილის „ჩაძირული ქვები“, სსრკ სახელმწ. პრემია, 1951), დედკინი (ა. ოსტროვსკის „უდანაშაულო დამნაშავენი“), პანდოლფო (კ. გოლდონის „საპატარძლო აფიშით“), დიეგო (ჯ. ფლუტჩერის „ესპანელი მღვდელი“), რაგნო (ე. როსტანის „სირანო დე ბერჟერაკი“). ა-მ გარკვეული წვლილი შეიტანა ქართ. საესტრადო ხელოვნებაში – კითხულობდა საკუთარ იუმორისტულ-სატირულ ლექსებს. მონაწილეობდა აგრეთვე ქართ. კინოფილმებში: „სურამის ციხე“ (რეჟ. ი. პერესტიანი, 1922), „ნარინჯის ველი“ (რეჟ. ნ. შენგელაია, 1957), „დაკარგული სამოთხე“ (რეჟ. დ. რონდელი, 1937), „ჭრიჭინა“ (რეჟ. ს. დოლიძე, ლ. ხოტივარი, 1954), „მაია წყნეთელი“ (რეჟ. რ. ჩხეიძე, 1959), „განაჩენი“ (რეჟ. ლ. ხოტივარი, 1959), „დღე უკანასკნელი დღე პირველი“ (რეჟ. ს. დოლიძე, 1959), „გიორგობისთვე“ (რეჟ. ო. იოსელიანი, 1966), „ტარიელ გოლეა“ (რეჟ. ლ. ხოტივარი, 1968) და სხვ. მიღებული აქვს სახელმწ. ჯილდოები.

ლიტ.: კ ი კ ნ ა ძ ე ვ., ემანუილ აფხაიძე, თბ., 1960.